

Index

1. Passer (Guaricus) Disputatio de
Admirationibus.
2. Muller (Claudius Jacobus) Commentatio
nis de Administratione primitias paginas.
3. Seyler (Joh. Antonius) Thesis de
Adoptione.
4. Bottr (Jacobus) Evolutione de Ad-
optionibus.
5. Gresser (Joh. Pind.) Disputatio de
principis adoptionis in iuris quibusdam
romano.
6. Wilhelm (Theop.) et Aruemet (Joh.)
Disputatio de uno pariter libeli institutionem.
7. Muldener (Joh. Christ.) De Adop-
tionibus, et Convictionibus Principum.
8. Eggelinger (David Joh.) Disputatio
de Adoptionibus per civile, et Nobis
Communionis ablatas.

- 9 Schuman (Michael) Disputatio
Quarta, de Partibus carnis delectis, ut, adulterio,
stupro, incestu, ... &
- 10 Kluge (Joh. Leopoldus) Quoru[m]que Adul-
terium per coniecturas probetur.
- 11 Melker (Christ.) Disputatio de Adul-
terio desponsatorum, ... &
- 12 Nibschmann (Gottfr.) Disputatio
de Adulterio quatenus probatum iuxta &
- 13 Stäffel (Joh. Gottfr.) Dissertatio de
Adulterio matrimonium non dissolvente.
- 14 Kluegel (Gottl. Christ.) Benexitatem in
adulteriis reipublice nocere et prodesse.
- 15 Heckmann (Nicolaus David) Disputatio
de crimine adulterii non transigibili.
- 16 Rivinus (Joh. Abrahamus) Disputatio
de Dissensu facienti in puniendo adulterii
crimine, &

- 17 Dunselhoff Joh. Vob. ai) Diss. Adul-
terio lego divina et humana contentudo.
- 18 Berghoffer (Gorgius) Dissertatio de
Adultero impunito.
- 19 Kegg (Matthias Hamb.) Dissertatio
de Libera adulterio.
- 20 Lemmich (Vedest.) Dissertatio de
Adultero, et proinde poena adulterorum
a pae. immoret.
- 21 Doeringius (Christ. Fried.) Adulterio
poenam ex duabus talionibus.
- 22 Schnaasse (Paulus Chrop.) Criminalis
de Libera poena adulterio.
- 23 Koch (Joh. Reinhar.) Dissertatio de
Adulterio Ecclesiasticis.
- 24 Hill (Joh. Christ.) Adulterio impu-
nitatis Ecclesiasticae Disputatio.
- 25 Wallther (Gorg. Fried.) Dissertatio
de Libera poena adulterio.

26 Weismannus (Gud. Ludw.) Adso-
lationem ab imperatore protestantium... §

27 Marbachius (Joh.) De Associatione
armata; Disputatio.

28 Krügelstein (C. J.) Disputatio De
Associatione armata §.

DISPUTATIO INAUGURALIS
DE

ADMIRALITATE

QVAM

DIVINI NUMINIS ADSPIRANTE
GRATIA

EX DECRETO ET AUTHORITATE

MAGNIFICI, AMPLISSIMI
ATQVE CONSULTISSIMI JURISCON-
SULTORUM ORDINIS IN INCLYTA AR-
GENTORATENSIIUM UNIVERSITATE

Pro

*Summis in Utroque Iure Hono-
ribus ac Privilegiis DOCTORALIBUS
rite consequendis,*

Solenni Eruditorum Examine submittit

Die Februar. hor. l.ij. consuetis.

FRANCISCUS VASMER,
HAMBURGENSIS.




ARGENTORATI,

Literis JOH. FRIDERICI SPOOR.

Anno M DC LXXIV.





PRAEFATIO.



Um id quod sub novo *Admiralitus* vocabulo hic ad Examen inaugurale proponitur argumentum, Romanis quoque veteribus non incognitum fuerit, mirari quis non sine ratione posset, cur in illorum Legibus hodie nullum ejus vestigium supersit. Cujus rei causam ego quidem hactenus non aliam potui reperire, quam quod illa, quæ ad res maritimas pertinebant, apud Romanos olim Legibus non Romanis, sed Rhodiis definiri & dijudicari solebant: quarum non nisi pauca quædam fragmenta ad nos usque pervenerunt: cæteris vetustate & injuria temporum absumtis, cum quibus, si quid de *ῥωδικῆς* vel *ῥοδικῆς* constitutum aliquando fuit, illud communi naufragio interiisse, haud vana nec improbabilis penitus conjectura est. Ego certè inde non parum au-

geri mihi laborem in tractanda isthac materia sensi, quod præter illa, quæ per analogiam ex vicinis & affinis argumentis huc deduci potuerunt, omni auctoritate & subsidio juris scripti veteris destituebar. Qui defectus tamen, si quis ad usum præsentem respiciat, Legibus & Statutis recentioribus Regnorum & Rerum publicarum maritimarum non parum suppletur. Quare & ex illis primarium auxilium mutuaturus, ipsa Constitutionum verba plerumque recensui: quia ad intelligendam plenius rem non obviæ prorsus cognitionis haud exiguè conducere mihi videbantur. Non ignarus interim perfectam elaborationem hujus materiæ, sine diligenti examine & accurata cognitione casuum practicorum, qui in judiciis Admiralitatis indies agitari solent, sperari non posse. Sed quia profectus Academici ad trituram forensensem usque raro porriguntur, mihi quoque à tractatione civilium causarum, usualique tribunalium exercitatione hactenus remotiori, vitio verti non poterit, quod adhuc quidem inde manum abstinuerim. Divini

Numinis

Numinis imposterum arbitrium erit , an mihi velit aliquando gratiose vires & majora subsidia largiri, ut ad finem perducendis, quæ cœpta hic saltem sunt, denuo utiliter vacare possim. Interim æquos rerum arbitros benevole hos qualescunque conatus meos interpretaturos esse confido.

I. N. D. N. J. C.

Lect tractatio de *Admiralitate* tanquam materia *maritima* mediterraneis supervacua videri possit: utpote cum ad illos, qui vel nunquam ingressi sunt mare, vel prope mare non habitant, quæstiones marinæ parum pertinere existimentur: Gryphiand. *de Insul. pref. §. 71.* Apud populos tamen & civitates maritimas usum frequentem, quotidianum, & pernecessarium habet. Grot. *de Jure Bell. & Pac. lib. 2. cap. 12. §. 4.* Statut. Hamburg. *part. 2. tit. 33. art. 41. ibi: Zietweil viel Admiralschafft gemacht werden.* Ut ad eò non immeritò magnam hujus rei curam habeant illi, qui ad mare sedent. Stypmann. *de Jure marit. part. 4. cap. 11. §. 49. & 54.* & hinc diligens juris evolutio, quod circa eam constitutum & receptum est, nequaquam sit negligenda. *arg. l. 1. D. de in integr. rest. l. 1. pr. D. de Exerc. act. l. 1. pr. D. de susp. Tutor.*

II. Dicitur autem *Admiralitas* ab *Admiralio* vel *Erythraio* Thalassiarcha aut maris Præfecto, qui præest Collegio *Admiralitat*is vel Societatis navalis. Loccen. *de Jure*
Ab, marit.

marit. lib. 2. cap. 2. §. 1. Admiralii verò nomen non ab admiratione, ut aliqui existimant: vid. Voss. *de vit. Lat. serm. lib. 2. cap. 2.* Sed ab Emir sive Amira, quod Arabibus Dominum aut Principem signat, & Græco ἀμιρ, *marinus* descendit. Voss. *d. l.* Add. Rein. Curick. ad *Ordin. Naut. Civit. Hansf. tit. 7. art. un. p. 178.*

Homonymia.

III. Græci σύμτολαιαν vocant aut ἐμπόλαιαν, Grot. *de Jure Bell. & Pac. lib. 2. c. 12. §. 4.* unde Cicero *Ep. ad Attic. lib. 16. ep. 1.* ἐν ἐμπόλοις Bruti videtur aliquid presidij esse. & *dict. lib. ep. 4.* itaque constituebam uti ἐμπόλοις. add. Loccen. *de Jure marit. lib. 2. c. 2. §. 2.*

Synonymia

IV. Denotat alias *Admiralis*, ut ipsam praefecturam maris per se consideratam, quam alii Admirallatum nominant. vid. Strauch. *de Imper. mar. c. 5 §. 4.* Interdum Collegium quoque judicum maritimorum, quod Consulatus maris vulgo dicitur, Admiralitatem nominant: uti fit in der Königl. Dännemarf. Verordnung/ wie es bey wärendem Krieg mit den Certificationen zu halten. apud Marquard. *de Jure Mercat. document. lit. W. ibi:* Demnach in Unserer gnädigsten declaration für unser Admiraltät: & mox: Dafern sie vor dem Admiraltät: Gericht für genugsam geachtet: & denique: Wor nach sich unser Admiraltäts: Racht und Bediente zu richten. &c.

Definitio.

V. Hoc in loco Admiralitas est Societas navalis armata ob securitatem commerciorum mutui auxilii causa inita. conf. Grot. *de Jure Bell. & P. lib. 2. c. 12. §. 4.* Stypmann. *de Jure marit. part. 4. cap. 11. §. 48.* Loccen. *de Jure marit. lib. 2. c. 2. §. 1.* Curick. ad *Jus marit. Hanscat. tit. 7. art. un. p. 179.* Marquard. *de Jure Mercat. lib. 2. cap. 11. §. 35.*

Causa effe. Remota.

VI. Hæc Societas, quatenus tutelæ & defensionis necessariæ inservit, omni jure introducta dici potest.

arg.

arg. l. 3. D. de Just. & Jur. l. 4. pr. l. scientiam. 45. § qui cane.
4. D. ad L. Aquil. l. 1. § vim vi. 27. D. de vi & vi arm. Add.
Carpzov. Prax crim. p. 1. q. 28. § 1. & seqq.

VII. Et favet ei peculiariter 1. Jus Divinum, quo
Salomo secundum Sapientiam à DEO ipsi concessam
(1. Reg. 5. v. 12.) talem societatem iniit cum Hyramo
Rege Tyri, qui ad classem, quam Salomo instruxerat,
petendi auri causâ ex Ophir, misit servos suos, viros nau-
ticos & gnaros maris, ut cum servis Salomonis naviga-
rent. 1. Reg. 9. v. 27. & 28. & 2. Paralip. 8. v. 18.

VIII. 2. Jus naturale: cui convenit, ut tuò per
mare navigare liceat & transire: l. 2. § 1. D. de R. D. § 1.
Inst. cod. l. 3. § 1. D. ne quid in loc. publ. l. 13. § ult. D. de Injur.
l. Venditor. 13. pr. D. comm. prad. Marquard. de Jure Mercat.
lib. 1. cap. 15. § 1. Loccen. de J. maris. lib. 1. cap. 3.

IX. 3. Jus Gentium: quod liberum & securum
usum commerciorum stabilivit. l. 5. D. de Just. & Jure.
§ 2. Inst. de Jure Nat. Gent. & Civ. Gregor. Tholos. Syn-
tagm. Jur. univ. lib. 21. c. 1. Grot. mare lib. cap. 8. atque
hoc libero & securo commerciorum usu exigente, ipsi-
que humanis necessitatibus flagitantibus (vid. § 2. Inst.
de J. N. G. & C. ibi: nam usu exigente. Stypmann. de Jure
maris. part. 4. cap. 11. § 49.) Admixtatem jam olim in-
ter se contraxerunt Gentes Orientales. 1. Reg. 9. v. 27. &
28. 2. Paralip. 8. v. 18. eademque usi sunt Græci: Loccen.
de Jure mar. lib. 2. c. 2. § 2. Romani: Cic. Ep. ad Attic. lib.
16. ep. 1. & 4. Populi Septentrionales: Saxo Grammat.
Histor. Dan. lib. 14. pag. 239. & seq. Crantz. Wandal. lib.
9. c. 22. 29. Reckmann. Chron. Lubec. p. 42. atque illa ho-
dientum utuntur Hispani: Stypmann. d. s. 11. § 54. Sueci:
Loccen. d. c. 2. § 4. Belgæ: Edicta Ordinum Hollandia
Anno 1544. edita tom. 1. p. 323. 429. & seq. Ordinatio de
Admiral.

Admiral. in Conflit. & Privil. Amsterod. p. 450. Hamburgenses: Hamburger Stadt Recht. p. 2. tit. 4. artic. 41. Admiralschafft: Ordnung der Stadt Hamburg. de Anno 1623. apud Marquard. de Iure Mercat. document. subtil. R. p. 589. & in universum Civitates Hanseaticæ. Jus Marit. Hanseat. tit. 7. art. un. von Admiralschafft.

X. 4. Jus Civile: tum quatenus permittit latrones & hostes publicos, quales sunt piratæ, Vinn. *ad Peck. de LL. nautic. p. 370. Strauch. de Imp. mar. c. 9. §. 2. armata manu persequi. l. 2. C. quand. lic. unic. Gryphian. de Insul. c. 31. §. 139. & seqq. Stypm. de Jure marit. p. 4. c. 18. §. 83. Coll. Jur. Arg. lib. 48. tit. 8. th. 5. ejusque rei gratia societatem aliquam contrahere, & collegium instituere. l. 4. D. de Coll. & corp. ibi: vel nauta. l. 1. pr. D. quod cuiusque univ. nom. tum quatenus prohibet, ne naves ex portu navigent, nisi plures sint, & inter se Admiralium constituerint. Constit. Philipp. II. Reg. Hisp. de Nav. armand. de Ann. 1563. Art. 9. & 10. apud Stypmann. de Jur. mar. p. 4. c. 11. §. 54. quemadmodum & Batavi constituerunt, quod nulla navis ex portu Vliensi in Norvvegiam vel Elfenoram aut retronavigare debeat sine nave conducente: Quod ex Hollandia in mare Balthicum non debeant ire, nisi ad minimum triginta naves in societate sint, &c. apud eundem. d. c. 11. §. 58. & seqq.*

Causa Efficiens Proxima.

Admiralitus publicus.

XI. Constituunt autem & contrahunt Admiralityatem vel illi qui summam potestatem habent, vel privati: atque hinc alia Admiralitas publica, alia privata est. Publica est, quæ autoritate Regis, Principis aut Reipublicæ ordinata est pro conservatione pacis & tranquillitatis publicæ contra piratas hostesque quosvis, & defensione navigantium. Curick. *ad Jus Marit. Hanseat. tit. 7. art. un. p. 179. Quam licitè contrahi atque constitui*

stitui posse à Principibus, nullum dubium est. Cum hæc sit potissima pars jurisdictionis, quam in mari suis territorii adjacentes habent Principes, ut navigationes tutas efficiant à Piratis & hostibus. Loccen. *de iur. marit. lib. 1. c. 4 § 4 in fin.* atque in hoc officium gravis & cordati Magistratus consistat, ut itinera publica tam maritima quam terrestria malis hominibus, qui ea infesta reddunt, purgentur. *l. 3. l. 3. D. de off. Praef. l. un. C. de Claf. sic. Marquard. de iure Merc. lib. 1. c. 13 § 34* Quod in proprio quidem territorio fit tum variis modis aliis, quos v. ap. Loccen. *de iure marit. lib. 2. c. 1.* tum constitutis ac dispositis navibus exploratoriis & excursoriis, quas *Auß. lagschiff* vocant Becht *de secur. & salu. cond. thes. 128.* & si vis major ingruat. integris classibus instructis. *d. l. un. C. de class. Strauch. de imp. mar. c. 3. §. 2.* tum quod propius huc pertinet, corpore aliquo navium prædiatariarum & conductricium, quæ *Convey schiff* dicuntur, instituto ordinatoque, ex quo naves onerariæ mercatorum possint præsidium & saluum conductum, mutuari. *Strypm. de iure marit. p. 4. c. 11. § 59. 60 & seqq.*

XII. Classes autem istæ vel naves etiam si extra territoriorum & jurisdictionem ejus, à quo instructæ sunt, defendere se adversus vim ingruentem piratarum vel hostium possint, utpote quod iis etiam concessum est, qui privata auctoritate navigant. *Grot. de iur. Bell. & P. lib. 1. cap. 3. §. 2.* Attamen in alieno territorio eis concessum non est aggredi piratas, eosque pœnæ expetendæ causa persequi, nisi eis singulari privilegio piratarum persecutio etiam in alieno territorio concessa sit: ut *Hamburgensibus à Carolo IV. Anno 359. Gryphind. de Insul. c. 31. §. 34.* vel nisi persequi eos coeperint in suo territorio: tunc enim continuare persecutionem possunt

sunt etiam in alieno territorio, ibique eos comprehen-
dere: ita tamen, ut ibi iudicio listantur, nec in propri-
am jurisdictionem, nisi cum istius loci Magistratus con-
sensu deducantur. *R. A. zu Augspurg de Anno 1559. §.*
Und wiewohl. 21. Gail. de pace publ. lib. 1. c. 16. n. 25. & seqq.
Loccen. de jure marit. lib. 2. c. 3. §. 2.

XIII. Quod de piratis dictum est, idem etiam de
hostibus quibusvis publicis intelligendum est: quos li-
cet in territorio tertii pacato aggredi & violare non li-
ceat, propter jus ejus, qui territorium ibi habet. *Grot.*
de Jure Bell. & Pac. lib. 3. cap. 4. §. 8. cœptam tamen per-
secutionem ita licet continuare, ut in alieno quoq; por-
tu hostem invadere permittatur: quod factum à Tron-
pio Classis Hollandiæ Præfecto Anno 1639. classi Hispa-
norum in portu Duinenſi Britannico. *Strauch. de Imp.*
mar. cap. 6. §. 9. atque hoc fundamento excusatur à pœ-
na fractæ pacis, qui hostem suum diffidat in alieno
territorio vi armata capit: sicut fecit Archiepiscopus
Colonienſis capiendò *Hennicken von Lübeck* / in Do-
minio *Starmade Nobilium de Harſt*: quibus pro-
pterea in Camera Spirenſi denegati sunt Processus super
fracta pace: testante *Mynſing. observ. pract. cent. 2. obs. 28.*

XIV. Suum autem territorium ab alieno in mari,
non tam certis limitibus distinguitur, quam in mediter-
raneis regionibus. Et quando dicitur, cum qui juris-
dictionem habet in territorio, habere quoque jurisdic-
tionem in mari adhærente; non convenit inter Do-
ctores, quousq; mare adhærens dici & intelligi debeat?
Aliqui existimant, cum qui jurisdictionem habet in di-
strictu mari cohærente, habere in mari jurisdictionem
usque ad iter duorum dierum: Hieronym. *de mont. in*
rr. de Fin. reg. c. 7. n. 12. alii usque ad sexaginta milliaria
jurisdic-

jurisdictionem in mare adjacens extendi pronuntiant Bodin. *de Rep. lib. 1. cap. ult. n. 170.* plerique eam ad centum milliaria porrigunt. Bart. *de Insul. n. 1. verb. nullius.* P. Castrenf. *in l. 9. de judic.* Quarum tamen definitio-
num nulla certam aut perpetuam determinationem
habet. Gryphiand. *de Insul. cap. 14. n. 25. & seqq.* sed va-
riat modus pro spatio ad possidendum vacuo. Strauch.
de Imper. mar. c. 4 §. 3. Itaque alii rectius putant distin-
guendum inter maria particularia, & inter Oceanum
universum: in maribus particularibus ita unicuique
juxta sua litora competere jurisdictionem, ut delictum
in tali mari particulari commissum in illa civitate puni-
ri debeat, cujus portui locus ille propinquior est. Loc-
cen. *de lure maris lib. 1. cap. 4 §. 6.* In Oceano autem u-
niverso limites nullos dari. Stypman. *de lure maris. part.*
1. c. 5. §. 56. atque adeo in medio mari unicuiq; hostem
publicum aggredi permissum & liberum esse. Gryphi-
and. *de Insul. c. 31. §. 149. ibi: in medio mari persequi piratas*
cuiusvis licet.

XV. Et hæc quidem Admiralitas, quæ in corpo-
re navium publica autoritate ad hoc ordinato consi-
stit, ut mare à prædonibus & hostibus aliis tutum & ad
usum navigantium securum reddat, à Principe vel Re-
publica vi Imperii & jurisdictionis constituitur: indeq;
& publicæ Admiralitatis nomen habet. Præter hanc
est & alia Admiralitas publica, quando illi, qui summam
potestatem habent, inter se navalem societatem ob se-
curum & commodum usum commerciorum contra-
hant. *arg. l. 5. D. de pact.* qualem societatem fuisse Salo-
monis cum Hiram, supra dictum est *ex 1. Reg. 9. v. 27.*
add. Loccen. de lure maris. lib. 2. c. 2. §. 2.

XVI. Quam societatem legitimam atque licitam fuisse existimo, etiam si cum Rege infideli contracta sit. *arg. 1. Reg. 5. 12. conf. Grot. de I. B. & P. lib. 2. cap. 15. §. 9. sicut & hodie foedus, quod Princeps Christianus cum non Christiano pro commerciorum libertate & ad persequendos latrones publicos contrahit, licitum rectè putatur. Joh. Gerh. loc. Theolog. de Mag. Pol. §. 154. & seqq. Alber. Gentil. de Iure bell. lib. 3. c. 19. p. 658. Limn. Not. ad Capitul. Caroli V. art. 11. verb. Aller Hülffe. Diss. Theologi Jenens. ap. Loccen. de Iur. marit. lib. 3. cap. 7. §. 3. confer. Reinking. de Regim. sec. & Eccl. lib. 2. class. 3. cap. 3. §. 45. & seqq. Henniges Not. ad Grot. de Iure Bell. & Pac. lib. 2. cap. 15. §. 10.*

*Causa Eff.
Admirali-
tatis pri-
vata.*

XVII. Privata Admiralitas est, quam privati inter se ad certæ alicujus navigationis securitatem contrahunt. Curick, *ad Ius Hanseat. tit. 7. art. un. p. 179. Quod ad finem defensionis privati licitè faciunt: Gryphiand. de Insul. c. 31. §. 151. idque de jure communi etiam sine speciali & expressâ superioris concessione. l. ult. D. de colleg. & corpor. l. 1. D. ad L. Iul. de vi publ. Non obst. Lun. C. ut armor. usus. vid. Dn. D. Tabor Armam. Justin. de Haplophor. c. 1. th. 5. p. 111.*

Subiectum.

XVIII. Inter privatos autem admiralitatem contrahere possunt omnes, qui ad societatem contrahendam idonei sunt, quique adeo contrahendo sese valent obligare. Ex Dn. Lauterb. *tract. synopt. dig. tit. pro soc. §. 1. th. 4.* quos enumerat Hæctor Felicianus *tract. de Societate cap. 3. & seqq.* Coll. Jur. Argent. *tit. pro soc. th. 5.* Reciproce tamen si qui inter se, ratione & dispositione speciali, societatem bonorum contrahere prohibentur, eos non statim puto ab admiralitate contrahenda arce-
ri: cum

ri: cum libertas commerciorum & securitas favorabilis, prohibitio autem contractuum juris Gentium, odiosa sit, atque hinc hæc quidem restringi, illa verò ampliari bona interpretatione debeat. Barbof. *Axiom. lib. 6. c. 11. Ax. 6. & lib. 13. cap. 16. ax. 5.* Unde & civis Hanseaticus cum non Hanseatico admiralitatem contrahere poterit: non obstante dispositione juris Lubecensis, quæ cavetur, daß kein Hansischer mit dem jenigen / welcher nicht Hansisch ist / er sey gleich wer er wolle / Gesellschaft oder Factoreyen anstellen solle. Cum præsertim hoc constitutum sit propter rationes speciales: ad obtinendum nimirum commerciorum vigorem in civitatibus Hanseaticis, & ad conservationem Privilegiorum, quæ ex diversis in locis antiquitus obtinuerunt. Dn. Mæv. *ad Jus Lubec. lib. 3. tit. 8. art. 2. §. 3.* Quæ rationes in Admiralitate prohibenda cum exteris non militant, ut adeo merito cessante Legis ratione etiam dispositio ejus cessare putanda sit. Everhard. *top. legal. loc. 83.*

XIX. Causam materialem Admiralitatis quod ^{Causa ma-} attinet; sicut in reliquis obligationes vel res deducun- ^{teriales.} tur, vel facta. §. ult. l. de V. O. l. 2. pr. D. eod. & sicut in genere societas non tantum rerum, sed etiam operarum causa contrahi potest. l. 29. pr. l. 30. l. 71. D. pro soc. Excell. D. Lauterbach. *tract. synops. Dig. tit. pro soc. §. 1. sh. 5.* ita in Admiralitatem quoque veniunt 1. Factum sive opera mutuae defensionis & auxilii, tum contra hostes, tum contra alios casus fatales ingruentes. Statut. Hamburg. p. 2. tit. 14. art. 41. *ibi:* Wann eine Admiralschafft gemacht ist / so ist das Volk schuldig sich zu wehren. Add. Löccen. *de Jure maris. lib. 2. cap. 2. §. 5.* 2. Factum Offensionis & aggressionis piratarum & hostium publicorum: si Admiralitas sit publica: vel si privati naviga-

turi instructi sint mandatis à publica potestate ad persequendos piratas, si quos in mari repererint: vel in loco penitus libero piratæ deprehendantur. Gryphiand. *de Insul. c. 31. §. 139. & 149.* Grot. *de Iure bell. & pac. lib. 2. c. 20. §. 8. & 14.* Loccen. *de Iure marit. lib. 2. c. 3. §. 1.* 3. Naves ipse veniunt in Admiralitatem, non tantum quatenus conjunguntur ad mutuam defensionem, sed etiam quatenus Admiralitate contracta & æstimatione navium facta, periculum earum communiter ad socios Admiralitatis pertinet, Stypmann. *de Iur. marit. p. 4. c. 11. §. 64.* Loccen. *de Iure marit. lib. 2. c. 2. §. ult.* Numerus harum navium in universum non est definitus, sed solet Admiralitas ex tot navibus constitui, quot opus esse videat vel Magistratus loci, vel privati mercatores. Loccen. *d. loc. §. 2.* Aliquando tamen specialiter constitui alicubi solet, ne ex portu naves solvant, nisi certus sit illarum conjunctarum numerus: sicut Batavi constituerunt, quod ex Hollandia in mare Balthicum non debeant ire nisi ad minimum triginta naves in societate sint. Stypmann. *de Iure marit. d. c. 11. §. 60.* Et Hamburgi Statutum est, ne naves ex portu navigarent, nisi sex ad minimum unitæ essent. *Stadt Hamburg Admiralschafft-Ordnung §. 11.* apud Marquard. *de Jure Mercator. docum. lit. R.* Hæ autem naves non omnes bellicæ sunt, quamquam armis navium oneratarum sint plerumque instructæ; sed solet peculiariter constitui & definiri, secundum numerum navium oneratarum, quot ad illas conducendas bellicæ adhiberi oporteat: veluti ita à Batavis sancitum est, ut 30. naves onerariæ per duas naves bellicas conduci debeant, nisi Commissario visum fuerit, ut una faciat. Stypm. *d. c. §. 61.* 4. Quod de navibus dictum est, eas in hanc societatem venire, idem de instru-

instrumentis navium intelligendum est, quippe quæ quasi membra navium sunt. *l. 44. D. de Evict.* Non obstat. *l. 242. pr. D. de P. S.* Add. *l. 2. §. 1. ff. ad Leg. Rhod. de jact.* *l. 3. §. 1. D. de Rei Vind.* Alciat. *ad d. l. 242. D. de Verb. Sign.* §. Ut & de armis navium: de quorum quantitate & usu variè edici solet. Ex. gr. Si naves onerariæ non habeant navem conducentem, & numerus triginta naves excedat, sit tamen habeant 40. tormenta & alia necessaria arma, posse constituto inter se Admiralio enavigare. Stypm. *d. loc. §. 63.* instructis juxta numerum tormentorum omnibus aliis rebus ad apparatus bellicum necessariis (Armuntie) provideri debere. *Idem ibid. §. 67.* Add. Stadt Hamburg Admiralschafft Ordnung §. 8. *ibi:* Ob sie mit gebührllichem Kraut und Loth versehen etc. 6. Sed & pecunia in usum navium armandarum collata, in Admiralitatem deducitur: de qua Baravis placuit, ut naves bellicæ pro impensa debeant accipere dimidiam quartæ in centum de navibus in navali societate non instructis, & bonis in iis existentibus. Stypmann. *d. c. 11. §. 62. & 63.* Hamburgi ad meliorem conservationem Admiralitatis statutum est: Es sollen die gesamte Kauffleute/ so sich der Admiralität zu ihrer grossen Versicherung und Prosperität gebrauchen/ von allen ausgehenden und einkommenden Wahren ein halbes pro centum zu Admiral-Geld geben; welches man denn zu Muntir- und Erstärkung der Admirals und ViceAdmirals / wie auch der anderen Schiffe anwenden und gebrauchen soll. Sonsten soll auch über dieses von den Schiffen zu Unterhalt der Admiralität ein gewisses gegeben werden / benantlich die Schiffe/so gar nicht muntiret oder unter vier Göttingen führen/welche den ungemundirten gleich geacht-

etc/

ter/von jeder Last einen halben Reichshaler/die so 4. führen/;/die so 6. Görlingen führen/; Reichshaler. Da sie aber mit 8. oder mehr guten Görlingen versehen seyn/sollen sie von solchem Last-geld gänzlich entfreuet seyn. Admiralschafft Ordnung §. 6. & 7. Atq; hæc est arca communis Admiralitatis, l. 1. §. 1. D. quod cuiusque univ. nom. neg. gest. in qua socijs non ut singulis sed ut universis jus competit. l. sicut. 7. §. 1. D. eod. 7. Denique merces quoque sociorum Admiralitatis in hanc societatem veniunt, non ut communicentur, sed ut æstimatione in antecessum facta, communi periculo defendantur. Marquard. de Jur. Mercator. lib. 2. cap. 11. §. 37. Stypmann. d. c. 11. §. 64. Grot. de Jure Bell. & Pac. lib. 2. cap. 12. §. 25. 8. Præter hæc ex post facto nonnunquam in Admiralitatem venit præda ex hostibus capta. Loccen. de Jure marit. lib. 2. c. 2. §. 7. Stypm. d. c. 11. §. 78. Arg. §. 17. l. 1. de R. D. l. 51. §. 1. D. de acquir. rer. dom. Non obit. l. 20. §. 1. D. de captiv. & postlim. revers. 9. Ut & aliquando poena pecuniaria sive multa eorum, qui non impetrata venia à societate abeunt. Stypmann. d. cap. 11. §. 74.

Causa formalis Admiralitatis publica.

XX. Ratione causæ formalis Admiralitas publica, utpote societas quædam publica, accensetur collegiis & corporibus sive Universitatibus legitimis. l. 1. pr. D. quod cuiusque univ. nom. neg. gest. l. 3. §. 4. D. de bon. poss. l. 22. D. de Fidej. & mand. A quibus in eo differt, quod navalis est, & bellica, ex variis officiis & ministeriis maritimis coordinata. vid. l. 46. D. ad Scutum Trebell. l. un. C. de Class. Strauch. de Imper. maris cap. 5. §. 3. fin. Add. Hamburg. Admiralschafft Ordnung §. 12. ubi egregiè disponitur: Es solle auch einer jeden Flotta durch die Depurte ein gewisser Admiral fargesetzt werden/da aber zu einem mahl eine gar grosse Flotta abseglen wolte/

wolte/ soll zwar eine jede Compagnia / so auff einen
Orth mit einander zu sieglen hat / ihren Admiral und
Vice-Admiral haben/ nichts desto weniger aber soll ih-
nen noch ein Ober-Admiral durch die Depuirtē her-
den zugeordnet.

XXI. Privata Admiralitas à societate pacata, quam
vulgo *Maschopopen* vocant, ratione formæ differt in *Privata.*
eo, quod societas pacata sive negotiatoria contrahatur
consensu interposito de rebus ex utraq; parte commu-
nicandis, lucri in commune faciendi gratia. Excell. D.
Lauterb. *Tractat. Synops. Dig. tit. pro soc. th. 6.* In socie-
tate autem bellica, utilitas hæc communis sit ipsa de-
fensio. Grot. *de Jure Bell. & Pac. lib. 2. c. 12. §. 25.* Loccen.
de Jure marit. lib. 2. c. 2. §. ult. cujus commodum eatenus
pro lucro haberi potest, quatenus emolumenti species
est damnum evitasse. *l. in pupillo. 47. §. 1. D. de solut.* Non
obst. *l. si sponsus 5. §. concessa. 3. D. de donat. int. vir. & ux.*
sicut vicissim emolumento caruisse, damnum est. *l. 2. §.*
damnum II. D. ne quid in loc. publ. Non obst. *l. Proculus 26.*
D. de damn. infest.

XXII. Ut autem ad communem defensionem ii, *Eius requi-*
qui simul navigaturi sunt, obligentur, requiritur, 1. *sita.*
Consensum interpositum esse de conjungendis ob mu-
tuam tutelam navibus. *1. 1. l. de Obl. ex consens. l. 2. D. de*
Obl. & Act. idque vel expresse: verbis scil. inter præsen-
tes, & literis aut nuntio inter absentes: vel tacite re ipsa
& factis. *l. 4. pr. D. pro soc.* dummodo facta talia sint,
quæ citra jus Admiralitatis fieri uon solent, vel de ani-
mo talem societatem coeundi aliunde constet. Dn. D.
Lauterb. *tit. Dig. pro soc. th. 3.* Add. Statut. Hamburg.
part. 2. tit. 14. art. 42. ibi: Wann eine Admiralschafft
gemachte

gemacht ist/ oder es sich begeben / daß einem ein Frey-
beuter an bordt käme.

2. XXIII. 2. Ad hoc autem ut damna, quæ eveni-
unt, æqualiter inter socios contribui possint, moris est,
naves à Commissario cum bonis antequam abeunt, ta-
xari: Sympmann. *de Jure marit. part. 4. cap. 11. §. 54.* atque
ex navibus & mercibus unam summam confici, ut à
Dominis pro parte quam singuli in ea summa habent,
detrimenta ferantur. Edict. Ordin. Holland. *tom. 1. p. 323.*
Constit. & Privil. Amsterod. *Ordin. de Admiral. p. 450.*
Grot. *de Jure Bell. & Pac. lib. 2. cap. 12. §. 25.* Loccen. *de J-*
marit. lib. 2. c. 2. §. ult.

3. XXIV. Præter hæc Hamburgi specialiter consti-
tutum, ut Magistri navium, quam primum vecturam
suscipiunt, coram Dominis Deputatis designationem
exhibeant, ex qua de magnitudine & apparatu navium
constare possit: quin & ipsi Domini Deputati vel per se,
vel per alios ex civibus inspicere naves tenentur & ex-
plorare, an benè instructæ sint, an ad prælium habiles,
an nihil sit, quo usus tormentorum impediatur. Quod
in Ordin. Admiralit. §. 8. expresse his verbis disponitur:
Ist beliebt/ daß nicht allein die Schiffer/ so bald sie die
Fracht annehmen / den Deputirten eine gewisse desi-
gnation, wie groß ihr Schiff/ und wie es gemundiret/
übergeben/ sondern auch alle Schiffe durch die Depu-
tirte Herren oder Bürger visitirt werden sollen/ ob auch
tüchtige Stücke auff den Schiffen vorhanden/ ob sie
mit gebühlichem Kraut und Loth versehen / ob und
wie man sie im fechten gebrauchen könne; da dann son-
derlich in acht zu nehmen/ daß auff dem überlauff/ da
das Geschütz stehet / keine Wahren oder Bogmanns
Führung / dadurch der Gebrauch des Geschützes
möchte

möchte gehindert werden / gesetzt werde.

XXV. Sicut & alibi quod ad modum exercendæ communis defensionis attinet, certis articulis exprimi solet; Quomodo ordines inter navigandum à Prætorioria & proprætorioria navi reliquaque classe sint observandi, quæ ratione peculiari vexilli erectione, aut velorum adductione, aut tormenti explosione, aut nocturno insigni plurium luminum, quando imminet hostis, vel ignota classis, vel tempestas oritur aut nebula, signum ad præcavendum periculum dari debeat: & quæ alia huc spectant. vid. Stypmann. *de Jure marit. d. cap. II. § 79.* Loccen. *de Jure mar. d. c. 2. §. 6.* Marquard. *de Jure Mercat. lib. 2. cap. 11. §. 35.*

XXVI. Reliqua pactis illorum, qui contrahunt hanc societatem, informari solent. vid. Wesemb. *par. Digest. lib. 2. tit. 14. num. 9. vers. cæterum.* Bachov. ad Treutlerum *vol. 1. disp. 6. thes. 10. lit. A. & seqq.* Quæ plerumque Instrumentis publicis (Admiralschaffts-brieffe dicuntur) solent comprehendi. *Hamburger Admiralschaffts-Ordnung §. II. ibi:* sollen zum wenigsten sechs Schiffe zusammen sehn / und sich vermittelst und nach Einhalt dero auffgerichteten Admiralschaffts-brieffe / und bey Vermeidung der darinnen benannten Pön bey einander zu bleiben allerdings schuldig und verbunden seyn: & §. 16. Wo einiger Schiffer wider diese Ordonanz und den deswegen absonderlich verfertigten Admirals-briefff handeln würde / etc.

XXVII. Causa impulsiva Admiralitatis publicæ *Causa impulsiva.* juxta privatæque constituendæ, eadem est: nimirum tristissimi casus, qui navigantibus imminet, præsertim à piratis: Quis enim navigavit, qui se non aut mortis aut servitutis periculo committeret, cum aut hyeme,

aut referto prædonum mari navigaretur? Senec. *Epi.* 87. Gryphiand. *de Insul.* c. 31. §. 140. Loccen. *de Jur. marit.* lib. 2. c. 1. §. 2. Unde non immeritò necessaria visa est Admiralitas eo tempore, quo Dynkerkani & alii pirata passim Oceanum & mediterranea maria infecta tenebant. Stypman. *de Jure marit.* d. c. 11. §. 49. Quemadmodum etiam Turcis & aliis prædonibus cum maximo mercatorum danino grassantibus, Hamburgensis Admiralitas lege perpetua constituta est. Nach dem leider die tägliche Erfahrung bezeuget/ daß nicht allein durch Türkische/ sondern auch andere streiffende Seeräuber allgemeinen commerciis und Traffiquen grosser und mercklicher Eintrag und Schaden geschicht/ und demnach wohl von nöhten / daß in dieser guten Stadt eine beständige Admiralschafft angeordnet werde/ als hat ein E. Raht auff dienstlich Supplicationen etlich vieler Bürger und Eingefessenen / so sich der Handlung Seewarts gebrauchen/ folgende Ordnung verfaßten und publiciren lassen. Hamburg. Admiralschafft. Ordnung *proam.*

Causa finalis.

XXVIII. Causa finalis Admiralitatis constitutenda est, ut se plures naves sociatæ, eo facilius adversus vim ingruentem tueri possint: Loccen. *de Jure marit.* lib. 2. c. 2. §. 2. & non tantum in præsens tempus securè navigetur, sed etiam in futurum mare prædonibus purgetur; quo mediante & securitas commerciorum, & privata simul navigantium publicaue utilitas procuratur. Gryphiand. *de Insul.* d. c. 31. §. 139. Marquard. *de Jure Mercat.* lib. 1. c. 15. Interdum & immediatè usus Admiralitatis, licet privata sit, ad utilitatem Reipublicæ dirigitur, quando hoc proposito privati societatem navalem instituunt, ut hostes Reipublicæ persequantur. vid.

Martin.

Martin. Schoock. *Imp. marit. cap. 23.* vel quando extranei naves à Collegio Admiralitatis conducunt, & sibi adiungunt ad firmandas vires suas, ac defensionem adversus hostem tertium. Loccen. *de Jure marit. lib. 2. cap. 2. §. 3.* Add. Hannibal Seestats Vortrag das Naval defensions-Werck in Norwegen betreffend. apud Marquard. *de Jure Mercator. document. lit. W. 2.*

XXIX. Circa Effectus Admiralitatis publicæ con- Effectus
Admiral.
publicæ.
trovertitur: An Admiralitas constituta ad prædatorum & piratarum persecutionem in eo loco in quo exercetur, jurisdictionem vel superioritatem importet? de quo disceptatum est in Camera inter Oldenburg & Bremen: Comite rectè negante, piratarum persecutionem jurisdictionis signum esse posse: cum ea aliis etiam competat, qui jurisdictionem non habent. Mindan. *de Process. lib. 2. cap. 36. §. 6.* Et licet equidem tam protectio maris, quàm piratarum persecutio ei competat, qui jurisdictionem habet: & ad Imperium pertineat, curare ut malis hominibus mare purgetur. Strauch. *de Imp. mar. cap. 9. §. 1.* hoc tamen non est reciprocum, ut qui mare aut flumen protegit, aut piratas persequitur, statim in eo loco jurisdictionem aut Imperium habeat: quod non tribuit protectio. Gail. *Obs. Pract. lib. 2. obs. 54. n. 1.* Mager. *de Advocat. armat. cap. 10. §. 386. & seqq.* Loccen. *de Jure marit. lib. 1. c. 4. §. 5.*

XXX. Idem de vestigialibus quoque eo nomine exigendis sentiendum est, quæ in eo loco quidem, in quo vi jurisdictionis protectio maris & piratarum persecutio exercetur, licitè & summo jure exiguntur. Hamburg. Admiralschafft. Ordnung §. 6. Grot. *de J. B. & P. lib. 2. cap. 2. §. 14. & lib. 2. cap. 3. §. 14.* Excell. D. Zieglerus.

ad Gros d. lib. 2. c. 2. §. 14. Sed non tamen vi solius protectionis & persecutionis exigi possunt. *Mindan. d. l. 2. c. 36. §. 6. Loccen. d. loc.*

XXXI. Quod si recipiat vestigal nomine securitatis per Admiralitatem præstandæ, is ad quem ejus loci jurisdictio maritima pertinet, tenebitur non tantum ad præstandam securitatem iis, qui per territorium suum navigant, ne ullam concussionem vel damna sustineant. *l. un. C. de littor. & itin. custod.* Sed si deprædatione piratarum transeuntibus damnum datum sit, tenebuntur ex neglectu Reges ac Magistratus, qui ad inhibenda latrocinia & piraticam non adhibent tam sufficientia remedia quam possunt ac debent. *Grot. de Jure bell. & pac. lib. 2. cap. 17. §. 20. Strauch. de Imp. mar. cap. 6. §. 7.* Præsertim si navigantes deposuerint, in quam Provinciam ituri sint, atque aded sub salvo conductu alterius navigent. *d. l. un. C. de littor. & itin. custod.* Quemadmodum in terrestri quoque itinere deprædatis Dominus territorii damna refarcire tenetur. *Mynsing. Obs. Pract. centur. 5. obs. 70. Rosenthal. de feud. cap. 5. concl. 22.* Inprimis si sub fide publica & salvo conductu profiscantur: prout Constitutum Rec. Imp. de Anno 1556. §. Damit dann die Obrigkeit. 34. his verbis: *Sehen/ordnen und wollen/ wofern von Churfürsten/ Fürsten und Ständen/ oder einiger Obrigkeit/ die sey wer sie wolle/ jemand das Geleit gegeben/ und derjenige darüber auff derselbigen Churfürsten/ Fürsten/ Stände oder Obrigkeit Geleit. straffen thätlich ergriffen und beschädiget/ daß der Stand/ so solch Geleit gegeben/ nachgestalt solches Geleits dem Beschädigten seines Schadens erstattung zu thun schuldig seyn soll.* Secundum quæ conclusum & judicatum fuit in Camera Imperiali

Imperiali in causa quadam contra Episcopum Herbi-
polensem. Gail. *Observ. Pract. l. 2. observ. 64. §. 1.* Add.
Bernh. Græven. 2. *pract. concl. 64.*

XXXII. Si privati inter se Admiralitatem contra-^{Privata.}
xerint, illi sibi invicem obligantur 1. ad servandam so-
cietatem: Statut. Hamburg. p. 2. *tit. 14. art. 41.* Hamb.
Admiralschafft-Ordnung. §. 11. Jus marit. Hanseat. *tit.*
7. art. un. 2. Ad defensionem & tutelam mutuam, si
periculum immincat. Wann eine Admiralschafft ge-
macht ist / so ist das Volk schuldig sich zu wehren.
Statut. Hamburg. p. 2. *tit. 14. art. 42.* 3. Ad refarcien-
dum pro sua portione damnum, citra cujusquam cul-
pam ab hoste casuque illatum. Statut. Hamburg. d. p. 2.
tit. 14. art. 42. Loccen. *de Jure marit. lib. 2. cap. 2. §. 5.* Cu-
rick. *ad Jus marit. Hanseat. tit. 7. art. un.* idque non tan-
tum ratione mercium aliarumq; rerum deperditarum,
quæ in navi sunt, sed etiam ratione hominum vulnera-
torum. Statut. Hamburg. d. *art. 42.* Loccen. *de Jure*
marit. lib. 2. tit. 2. §. ult. Non quidem ut cicatricum
aut deformitatis æstimatio fiat, sed ut computentur
mercedes Medicis præstitæ, cæteraque impendia, quæ
in curatione facta sunt; præterea operarum, quibus ca-
ruit aut cariturus est ob id, quod inutilis factus est. l. 7.
D. de his qui effud. vel ejec. & quidem ita, ut omne da-
mnum per hostes aut piratas uni vel alteri navium illa-
tum, videlicet pulveris nitrati, & cæterorum munimi-
num bellicorum jactura, hominumque in conflictu
vulneratorum, mutilatorum aut occisorum cura, cum-
que plena mercede & vectura sumptibusque sepulturæ
reparatio quælibet navium merciumque fiat à cæteris
navibus sociisque concomitantibus, magnæ seu gros-
sæ Avariæ instar. Marquard. *de Jur. Mercator. lib. 2. cap. 11.*

§. 37. Non obſt. l. 2. §. 2. D. ad L. Rhod. de jact. vid. Loccen. de Jure marit. lib. 2. c. 8. §. 11. 4. Ad prædam communicandam & proportionem Geometricam dividendam. Stypmann. d. c. 11. §. 77. & 78.

*Actioes
ex Admir-
ralit. de-
ſcendentes.*

XXXIII. Competit autem eo nomine 1. Communiter actio pro ſocio. Stypm. de Jure marit. p. 4. c. 11. §. 85. 2. Actio civilis pœnalis in factum. arg. l. 1. pr. D. de præſcript. verb. §. ult. l. de Leg. Aquil. qua Societas mulctam eorum qui à ſocietate abeunt, ſibi applicari petit. Stypmann. de Jure marit. d. cap. 11. §. 74. 3. Remedium detentionis, Hamburger Admiralsſchafft Ordnung §. 16. Wo einiger Schiffer wider dieſe Ordnung handeln würde/ ſoll deſſen Schiff und Fracht dafür haften/ biß er die verwirrte Straffen der gebühr entrichtet und bezahlt hat. 4. Accuſatio criminalis ad pœnam extraordinariam, eamque vel pecuniariam in uſum pauperum erogandam, aut fiſco applicandam. Stypmann. d. cap. 11. §. 4. vel corporalem. ex gr. Batavi conſtituerunt, ſi quis contra prohibitionem ſine conducente nave in Norrvegiam, vel mare Balthicum naviget, illum pœnæ nomine dare debere de navi 200. florenos, aut ex mari Balthico venientem, 400. florenos, in Norrvegiam centum libras, ex Hollandia ducentas libras. Stypmann. de Jur. marit. d. c. 11. §. 69. Hamburgi verò & in Civitatibus Hanſeaticis reliquis obtinet: ut ſi quis Admiralitatem deſerviffet, omne damnum quod inde Admiralitati contigit, à deſertore præſtari debeat, ſi non habeat in ære, extra ordinem arbitrariè puniatur. Wer die Admiralsſchafft bricht/ und darüber jemand genommen würde: ſo ſoll der Schiffer/ ſo die Admiralsſchafft gebrochen hat/ ſchuldig ſeyn/ den Schaden von dem Seignigen zu bezahlen/ hat er das an Gelde nicht/ ſo ſoll er nach

nach Ermäßigung willkürlich gestraffet werden. Statut. Hamburg. p. 2. tit. 14. art. 42. Jus Hanseat. tit. 7. art. un. Loccen. de iure marit. lib. 2. cap. 2. §. 5. Add. l. 1. §. 3. D. de pan.

XXXIV. 4. Imploratio officii Judicis pro cognitione extraordinaria, interdum quoque locum habet ad primum petendum, si quis in prælio se fortiter gesserit: Da jemand in der Flotta im Fechten für andern sich tapffer gehalten/ soll derselbe von der Admiralität eine Verehrung bekommen: Cujus remunerationis petitio heredibus quoque competit. Hamburg. Admiralschafft. Ordnung §. 15. de qua re Belgæ specialiter definiverunt: si hosti navis adimatur, ejus pretium debere cedere occupantibus, & præterea eos capere debere bimestre stipendium de tot personis, quot in navi captæ fuerint. Stypmann. de Jure marit. p. 4. c. 11. §. 78. & amplius: Si in conflictu cum hoste navis periit, damnum bis restitui debere: si autem quis hostis navim in aquis submerferit, suâ nave salvâ, eum debere habere pretium suæ navis & bonorum: ejusque dimidium debere in commodum navis & mercium cedere, de reliquis quatuor unam, nautam & gubernatorem, alteram nautas habere debere. Stypm. d. c. 11. §. 76. & 77.

XXXV. Interdum verò consorti Admiralitatis, a- *Exceptio.*
 ctione pro socio damnum sibi refarcire petenti opponitur exceptio doli mali, arg. l. 2. §. 3. D. de dol. mal. & met. except. Si quis de societate abierit, & deserta societate navigans damnum acceperit: is enim omne damnum, quod ab hoste ei inferitur, sive captivus abducatur, sive aliud quodcunque detrimentum sentiat, solus debet portare, nec tenentur exercitores in ejus redemptionem aut restitutionem minimum contribuere. Stypmann.

DE c. de Jur.

de Jure marit. p. 4. c. 11. §. 71. Videtur enim is sua culpa
damnum hoc sentire, & facto proprio detrimentum
incurrere, ob quod ei ab innocentibus quicquam refar-
ciri æquum non est. *arg. l. 203. D. de R. I. l. 52. §. 18. D. pro*
soc. Marquard. *de Jure Merc.* lib. 2. c. 11. §. 37.

*Forum
competens.*

XXXVI. Habent autem causæ enumeratæ forum
peculiare, quod illis competens est: nimirum Collegi-
um Admiralitatis in quoque Regno vel Civitate mari-
tima ad hoc constitutum, ut res ad justitiam & discipli-
nam navalem spectantes tractet. Loccen. *de Jure marit.*
lib. 2. c. 2. §. 4. Quale Collegium Admiralitatis Ham-
burgi quoque causas navales disceptat. *Hamburg. Ad-*
miralschafft. Ordnung §. 17. & 18. Constat illud ex quin-
que Senatoribus & octo Civibus, ut & Secretario: *Ad-*
miralschafft. Ordnung §. 2. *add. Subscript. in fin. adject.*
qui statis diebus horisque in Curia sub multa conveni-
re tenentur, & si quid constituunt, illud tanquam à Se-
natu & civibus omnibus constitutum esset, ratum ha-
betur. *Admiralschafft. Ordnung* §. 17. *per tot.* Quod si
delictum aliquod navale plectendum sit, executio erit
apud Collegium Admiralitatis in loco ubi mulcandi
adveniunt. *l. 2. C. ubi de crim. ag. oport.* Strymann. *dict.*
cap. 11. §. 73.

*Forum
processus.*

XXXVII. Quoniam verò causæ navales & mariti-
mæ ita comparatæ sunt, ut plerumque locus & tempus
ventorumque & maris opportunitas non patiatu-
ram aut cunctationem diuturniorem, *l. 1. pr. D. de exerc.*
act. ideo processu summatio atque de plano levatoque
velo hæ controversiæ expediendæ sunt. *l. 5. C. de Naufrag.*
Peck & Vinn. *ad d. l.* Unde & tribunali Admiralitatis
Hollandiæ duplica litigantibus partibus non est permis-
sa. Loccen. *de Jure marit.* lib. 3. c. 11. §. 2. Marquard. *de J.*
Mercat.

*Mercator. lib. 3. cap. 7. §. 6. Add. der Stadt Lübeck Ordn-
nung des Summarischen Secs Gerichts Proceß. de
Anno 1635. apud Marquard docum. commerc. lit. X. 3. p. 704.*

XXXVIII. Contraria societati huic est ejus dissol-
utio. Dissolvitur autem Admiralitas ferè iisdem mo-
dis, quibus reliquæ societates. Nam cum Admiralitas
quoque uti societas pacata, vel in perpetuum inearat,
vel ad tempus. *l. 1. pr. D. pro soc.* Non obstat. *l. 70. D. cod.*
Ea quæ ad certum tempus vel certæ navigationis causâ
contracta est, ipso illo tempore elapso & navigatione fi-
nitâ perimitur. *l. actione 63. §. item qui 6. D. pro soc. §. 6. l. 1.
de soc.* Ut adeò licite ab Admiralitate recedant, qui se
illi tantum usque ad certum itineris spatium adjunxe-
runt. v. g. biß sie die Höhe erreichen: quiq; exinde diver-
sam ab Admiralitate cursum instituturi sunt. Hamburg.
Admiralschafft. Ordn. §. 11. & 12.

*Contraria
Admiral.*

XXXIX. Præterea ratione personarum quoque sol-
vitur Admiralitas. 1. Morte unius ex sociis Admiralita-
tis, quoad eum scilicet qui mortuus est, & quoad hæredes
ejus, non verò quoad alios socios Admiralitatis, *l. 59. D.
pro soc. l. verum est. 63. §. in hæred. 8. D. cod.* Non obstat. *l. 65.
§. 9. D. cod. §. 5. l. de Societ.*

XL. Per mortem intelligitur non tantum mors
naturalis, sed etiam mors civilis. *l. 4. §. 1. l. 63. §. ult. D. pro
soc.* Qualem tamen non videntur pati, qui à piratis ca-
piuntur. *l. 19. §. 2. D. de capt. & post. revers. l. 24. l. 27. D. cod.*
*Loec. de iur. maris. lib. 2. cap. 3. §. 3. Add. Grot. de Jure
Bell. & Pac. lib. 3. cap. 9. §. 16.*

XLI. 2. Ratione personarum solvitur Admira-
litas renunciatione: si is, qui renunciare vult, justam
causam renunciandi habeat. *l. 65. §. 6. ibi: nisi renuntiatio
ex necessu-*

ex necessitate quadam facta sit. Add. Hamburg. Admiral-
schafft. Ordnung. §. 11. *ibi:* Es wäre dann / daß ein
Schiffer so gar eylfertig wäre / und der übrigen Schiffe
nicht erwarten könnte. *Et* §. 13. Es sey dann / daß einem
außerhalb Landes eine Fracht auff einen andern Platz
fürkäme.

XLII. Tandem ratione rerum finitur Admiralitas, si
classis vel naufragio absorbeatur, vel vi hostili opprimatur, dis-
solvaturque. arg. l. 63. §. ult. D. pro soc. quod non tantum de pri-
vata sed etiam de publica Admiralitate intelligi debet. vid. Grot.
de Iure B. & P. lib. 2. c. 9. §. 1. & seqq.

Affinia.

XLIII. Similis est Admiralitati, de qua hactenus tracta-
vimus 1. Coitio armata terrestris adversus prædones instituta:
qua inprimis illi uti solent, qui per loca deserta, adeoque latro-
num insidiis opportuna iter faciunt: quam Societatem *Cara-*
vine communiter vocant *Turcicorum & Persicorum Itinerariorum*
Scriptores. 2. Cohortes militum ad conducendos mercatores
& reliquos peregrinantes dispositorum, quos vulgo *Aufreu-*
ter / Stallbrüder / Einspänniger nominant. Marquard.
de Iure Mercator. lib. 1. c. 13. §. 37. Aliquando das lebendige Ges-
leit dicuntur. Gail. *obs. Pract. lib. 2. obs. 64. §. 1.* Wehner. *Thesaur.*
Pract. voce Glaid. Societas quælibet pacata sive terrestris sive
navalis sit. Loccen. *de Iure marit. lib. 2. cap. 2. §. 1. & lib. 3. cap. 6.*
Stypmann. *de Iure marit. part. 4. c. 11. §. 1.* 4. Communio quo-
rumlibet qui unâ navigant, & rerum nomine quas in navi ha-
bent, Lege Rhod. ob jactum levandæ navis causa factum ad re-
farcendum communi contributione damnum obligantur.

l. 1. D. ad L. Rhod. de jact. Statuta Hamburgensia p. 2. tit. 16.

Loccen. *de Iure marit. lib. 2. c. 7.* Marquard. *de J. Merc.*

lib. 2. cap. 11. §. 37. ibi: Magna seu grosse Avaria
instar. & *lib. 3. c. 4. §. 19.*

F I N I S.

